



Len
856

1999

43 713-4.7

ԾԱՆԳԻՐ

ԹԱՂԱԿԱՆ ՕՐԻՆԱՅ

ՊԱՏՐԱՍՏԵԱԼ Ի ՁԵՌՆ

ԱՏԵՆԱՊԵՏԱՅ ԴԻԻԱՆԻՆ

ՍԶԳԱՅԻՆ ԺՈՂՈՎՈՑ

ԴԼՈՒԻ Ա.

ԹԱՂԱՅԻՆ ԿԱԶՄՈՒԹՅՈՒՆ

1342

Յօդուած 1. Թաղ մի է այն շրջանակն՝ ուր կան գէթ յիսուն ընտրողք և եկեղեցի ու վարժարան:

Յօդ. 2. Իւրաքանչիւր թաղ պարտի թաղային ժողով մ'ունենալ, որ համարատու իւր կեդրոնին վարչութեան թաղին գործոց վերին անօրէնութիւնը կը վարէ, և ընթացիկ գործոց համար՝ առ ինքն համարատու՝ թաղական խորհուրդ մը կը կարգէ:

Յօդ. 3. Առաջին յօդուածին պայմաններէն զուրկ եղող թաղը՝ մերձակայ թաղի մը հետ կը միանայ, և եթէ այս անկարելի ըլլայ, իւր կեդրոնին մասնաւոր անօրէնութեան կենթարկի:

Յօդ. 4. Մերձակայ թաղերն՝ ընտրողաց հաճութեամբ՝ կրնան միանալ և մէկ թաղ ժողով ընտրել:

Յօդ. 5. Միացեալ թաղերու թաղ ժողովն կրնայ մէն մի թաղին յատուկ թաղ խորհուրդներ կարգել, եթէ հարկ տեսնէ:



Կրօնական արարողութիւններ



Q-28323-62

28 858

1856-601

Ա.

ԹԱՂԱՅԻՆ ԺՈՂՈՎ.

Յօդ. 6. Թաղային ժողովն քսան
և հինգ անդամներէ կը բաղկանայ :

Յօդ. 7. Թաղային ժողովին պար-
տաւորութիւնքն են .

Ա. Թաղական Խորհուրդն ընտրել .

Բ. Թաղին երկրացոյցը սահմանել .

Գ. Հարցապնդել ի հարկին զԹաղա-
կան Խորհուրդն , և տարեկան հաշիւ ու
համար առնուլ ի նմանէ .

Դ. Թաղեցի մանկուղին նախնական
պարտաւորիչ կրթութիւն ստանալուն , և
գնդրոցական շրջանն աւարտող կարօտ
պատանեաց արհեստ ուսանելուն միջոց-
ները դիւրեւ .

Ե. Իւր իրաւասութեան ենթարկեալ
Թաղային պաշտօնէից վիճակը բարւոքե-
լու և ապագայն անդորրելու ջանալ .

Զ. Ամուսնութիւնը քաջալերել .

Է. Թաղին ազգահամարին և տարե-
կան վիճակագրին պատրաստութեանն
հսկել .

Ը. Թաղեցւոյն ընտանեկան և ըն-
կերական վիճակը բարձրացնելու , և փնա-
սակար սովորութիւններն անհետացնելու
փոյթ տանիլ .

Թ. Ի մի բան՝ Թաղին ընդհանուր
զարգացման և յառաջգիւմութեան մի-
ջոցներն հոգալ :

Յօդ. 8. Թաղ. ժողովն ամիսը մի
անգամ սովորական նիստ կընէ , դռն-
բաց կամ դռնփակ :

Ասիկց զատ՝ յարտասովոր նիստ կը
գումարի ,

Ա. Երբ ժողովն օրակարգին մէջ
խնդիր ունենայ .

Բ. Երբ Թաղ. ժողովոց դիւանը
կամ Թաղ. Խորհուրդը պէտք տեսնեն
և հրաւիրեն .

Գ. Երբ ժողովականայ մեծամաս-
նութիւնը գրով խնդրէ :

Յօդ. 9. Թաղ. ժողովը՝ սնտուկին
երկրացոյցը սահմանելու ատեն՝ պարտի
ինկատ առնուլ կրթական օրինաց տը-
մադրութիւնքն , և ըստ այնմ իւր Թա-
ղին վարժարանաց յատկացնել՝ կրթու-
թեան պատկանեալ հասոյթներն . որոց
հիմ պէտք է բռնուի՝ Թաղային սնտուկի
բովանդակ հասոյթից առ նուազն 40 0/0ը :

Յօդ. 10. Թաղ. ժողովը գնմանց ,
վաճառմանց , փոխառութեանց , փոխա-
տուութեանց , և՝ արտաքոյ սահմանեալ
երկրացոյցի հարկ եղած՝ շինութեանց
և նորոգութեանց անօրէնութիւններն՝
ըստ 25-րդ . յօդուածոյ վարչական կող-
մակերպութեան օրինաց՝ վարչութեան
հաւանութիւնն ստանալէ յետոյ կը
դորձադրէ :

Յօդ. 11. Իւրաքանչիւր Թաղ. Ժո-
ղով պարտի , ամեն սահմանադրական տա-
րեգիւնին՝ որ ի Վ Թայիս մատուցանել առ-
կեցրոնական վարչութիւնն մի համարա-
տուութեան տեղեկագիր , որ պէտք է
պարունակէ Թաղ. ժողովոյ պաշտօնին
ու պարտաւորութեան մէն մի մասին
վերաբերեալ տեղեկութիւններն :

Կեդրոնական վարչութիւնն Ազգ.
Ժողովոյ կը ներկայէ անոնց հաւաքա-
ծոյն , ամփոփմամբ , և ի հարկին նոյնու-
թեամբ :

Յօդ. 12. Թաղ. ժողովը՝ Կեդր. Վարչութենէն հաստատեալ ընդհանուր կանոնադրի մը համաձայն՝ կը վարեն իրենց պաշտօնն :

Բ.

ԹԱՂԱԿԱՆ ԽՈՐՀՈՒՐԴ

Յօդ. 13. Թաղական Խորհուրդը կը բաղկանայ հինգ անդամներէ , որոց իւրաքանչիւրն՝ ըստ իւր յանձնառութեան՝ հետեւեալ ճիւղերէն միոյն կը յատկանայ , և նորա անօրինումն ու հսկողութիւնը կստանձնէ :

1. Ատենապետութիւն ,
2. Ատենադպրութիւն ,
3. Եկեղեցականութիւն ,
4. Հոգաբարձութիւն ,
5. Գանձապետութիւն :

Փոքր թաղերու մէջ՝ այս պաշտօնէութեանց երկուքը մէկ անձի կրնան յանձնուիլ , որով Թաղ. Խորհուրդն եւրեք անդամէ կը կազմուի : Բայց Ատենապետութիւնն՝ ուրիշ պաշտօնի , և Եկեղեցականութիւնն ու Գանձապետութիւնն իրարու հետ չեն կրնար միանալ :

Յօդ. 14. Թաղ. ժողովն՝ գաղտնի քուէից բացարձակ առաւելութեամբ՝ մի պաշտօնեայ կընտրէ Թաղ. Խորհրդոյ համար , և մնացեալ անդամոց ընտրութիւնն ու Թաղ. Խորհրդոյ կազմութիւնն անոր կը յանձնէ :

Ընտրեալ պաշտօնեայն՝ իւր ձեռնհաս ճիւղն ստանձնելով՝ միւս ճիւղերուն ձեռնհաս և յանձնառու անձինք կընտրէ , և Թաղ. Խորհրդոյ անդամոց անուններն՝ իւրաքանչիւրոյն պաշտօնեայն :

ընդհանրեմէն՝ կը ծանուցանէ Թաղ. ժողովին :

Յօդ. 15. Թաղ. ժողովոյ դիւանն՝ ընտրեալ Թաղ. Խորհրդոյ անդամոց անուններն՝ իրենց պաշտօններով՝ կը ծանուցանէ առ Վարչութիւնն :

Յօդ. 16. Թաղ. Խորհրդէն որ և է պատճառաւ պակսող պաշտօնէին տեղ մնացեալ անդամը ընտրութիւն կը կատարեն , և կը ծանուցանեն Թաղ. ժողովին :

Յօդ. 17. Թաղ. Խորհրդոյ պաշտօնն երկու տարի կը տևէ , և իւր անդամները վերընտրելի են :

Յօդ. 18. Թաղ. ժողովը կարող է՝ անվստահութեան քուէով՝ պաշտօնանկ ընել զԹաղ. Խորհուրդն ամբողջ , կամ անոր որ և է անդամը :

Յօդ. 19. Իւրաքանչիւր պաշտօնեայ՝ դէթ երկու օրը միանգամ՝ իւր պաշտօնին գլուխը կը գտնուի , և իւր ճիւղին վերաբերեալ խնդիրները կը տնօրինէ :

Իսկ իւր ձեռնհասութենէն վեր դատած խնդրոց անօրէնութիւնն ու պատասխանատուութիւնը՝ Թաղ. Խորհրդոյ կը թողու :

Թաղ. Խորհուրդն ալ՝ իւր ձեռնհասութենէն վեր դատած խնդրոց համար՝ կը դիմէ առ Թաղ. ժողովն :

Յօդ. 20. Այն խնդիրներն , որք մէկէն աւելի ճիւղերու միանգամայն կը վերաբերին , ձեռնհաս պաշտօնէից միաբան գործակցութեամբ կը տնօրինուին :

Յօդ. 21. Թաղ. Խորհուրդը գէթ չարաթը միանգամ՝ նիստ կընէ և կը տնօրինէ օրակարգին խնդիրները. միանգամայն և կը տեղեկանայ իւրաքանչիւր պաշտօնէի առանձինն կատարած տնօրէնութեանց :

Յօդ. 22. Թաղական Խորհրդոյ անդամը պատասխանատու են առ Թաղ. Ժողովը, մէն մի պաշտօնեայ՝ իւրեան յատուկ ճիւղին համար անհատաբար, իսկ հանրական խնդրոց համար՝ ահեքն հաւաքաբար :

Յօդ. 23. Թաղ. Խորհուրդն՝ ըստ կտակաց կանոնադրի՝ կտակարար թաղեցւոյն կամքը կիմանայ, ի ներկայութեան նորա խոստովանահօր և թաղին Գարոջին կամ գլխաւոր Եկեղեցականին. և ըստ այնմ գէթ երեք օրինակ կտակագիր պատրաստել տալով, ստորագրել կուտայ զանոնք կտակարարին, նորա խոստովանահօր և ներկայ կղերականին, և ինքն հաստատելով՝ կը յղէ Վարչութեան ի վաւերացումն :

Յօդ. 24. Թաղ. Խորհուրդն՝ որքոց կանոնադրին համաձայն՝ պարտի իւր թաղին անչափահաս որքոց ստացուածքն ապահովել, մինչև նոցա յարբունս հասնիլը :

Յօդ. 25. Թաղ. Խորհուրդը կը կատարէ իւր թաղին Եկեղեցւոյն և վարժարանին և այլ աղբային հաստատութեան վերաբերեալ լաւօրէնքներու առուտուններն. և ըստ օրինի Խաչիկէն առնելով կայուածագիրը կը պատրաստէ և զայն կնքելով կը մատուցանէ Վարչութեան, ի վաւերացումն :

Յօդ. 26. Թաղ. Խորհրդոյ անդամը

կրնան Թաղ. Ժողովոյ նիստերուն մասնակցիլ. յորում ձայն ունին, իսկ քուէ ոչ : Բայց եթէ Թաղ. Ժողովոյ ևս անդամ են, իրենց համարատուութեան վերաբերեալ խնդրոց մէջ միայն քուէ չունին :

Ատենապետ

Յօդ. 27. Ատենապետին պաշտօնն է՝ Թաղ. Խորհուրդն ինիստ հրաւիրել և զայն վարել. իւրաքանչիւր պաշտօնէի և թաղային դատարանի վերաբերեալ խնդիրներն յղել. և թաղին յարաբերութիւնները կատարել :

Իւր պարտաւորութիւնքն են՝

Ազգ. Վարչութեան, Թաղապետական Խորհրդին, Ոստիկանութեան և ուրիշ ազգաց հետ յարաբերութիւնները մշակելով, թաղին ազգային իրաւունքներն անվթար պահել :

Ազգ. օրինաց ճշդիւ կիրառութեան, վարչական հրամանաց և հրահանգաց՝ ինչպէս նաև Թաղ. Ժողովոյն ու դատարանին որոշմանց գործադրութեան, և իւրաքանչիւր պաշտօնէի իւր ճիւղին վերաբերեալ տնօրէնութեանց հսկել :

Ժողովրդեան ստացուածքն՝ հրգեհի գէմ ապահովելու, աւազակաց գէմ պահպանելու, և անդդաստներն ու օրինաց անտաստողներն յուզողութիւն բերելու միջոցներուն հոգ տանիլ :

Ընտանեաց խնամ չտանողներն, և 6—12 տարեկան զաւակաց նախնական պարտաւորիչ կրթութեանն՝ ինչպէս և դպրոցական թոշակի վճարման՝ անփոյթ ծնողքներն յորդորել և ի կարգ բերելու ջանալ :

Եւ յաւճնարարեալ յարբունի տուրքերն հաւաքել Թաղ. Խորհրդոյ համահաճութեամբ :

Յօդ. 28. Ատենապետը կընտրէ թաղին Դիւան ու Կէսէն, և թաղ. խորհրդոյ հաւանութիւնն առնելէ յետոյ կանուանէ զանոնք:

Յօդ. 29. Թաղ. խորհրդոյ ու Դիւանի կնիքներն Ատենապետին քով կամ անոր գիտութեամբը կը պահուին ու կը գործածուին:

Ատենապետի

Յօդ. 30 Ատենապետին պաշտօնն է՝ արձանագրութեան, հաշուեկալութեան և ազդահամարի ու վիճակագրութեան տեսչութիւնն:

Իւր պարտաւորութիւնքն են՝

Թաղին շարժական և անշարժ գույքի և ստացուածոյ՝ ինչպէս նաև թաղ. խորհրդոյ տնօրէնութեանց և կարեւոր խնդրոց՝ արձանագրութեան, ելեւմտից հաշուեկալութեան, և թաղային ազդահամարին ու վիճակագրութեան հոգ տանիլ, քահանայական դասէն ստանալով ծննդոց, ամուսնութեանց և վախճանմանց ցուցակներն:

Վախճանմանց վկայագրերն, ու ճանապարհորդաց և կալուածական առուծախի ծանուցագրերը տալ:

Եւ մկրտութեան վկայագրերն՝ ստորագրեալ ստանալով քահանայից դասէն՝ թաղ. խորհրդոյ վաւերել տալ:

Յօդ. 31. Ատենապետը կընտրէ թաղին Դիւանապետին, եթէ անոր պէտք կայ, և թաղ. խորհրդոյ հաւանութիւնն ստանալէ յետոյ՝ կանուանէ զայն:

Եկեղեցական

Յօդ. 32. Եկեղեցականին պաշտօնն է՝ եկեղեցւոյ հասութից հսկողութիւնը,

ներքին և արտաքին նիւթական պիտոյից մատակարարութիւնն, և աղքատաց խնամակալութիւնը:

Իւր պարտաւորութիւնքն են՝

Մոմագնի, իւղագնի, գանձանակի և պնակի՝ նմանապէս և ծննդոց կամ մկրտութեան, ամուսնութեանց և վախճանմանց հասցիներն հաւաքել, տոմարագրել և յանձնել Գանձապետին:

Եկեղեցւոյ մոմի, իւղի, խնկի, սպասուց, զգեստուց և այլ ամենայն ծախքերն հոգալ, ու թոշակաւոր պաշտօնէից թոշակները վճարել, դրամն ստանալով Գանձապետէն:

Աղքատաց գանձանակին և պնակին հասութից՝ և ողորմութեան դրամաց հաւաքման հոգ տանիլ, և սոցա արդիւնքով թաղեցի աղքատ ազգայնոց պիտոյքն հոգալ, մասնաւորաբար խնամ աւելով կարօտ որբոց ապրուստին և կրթութեան՝ և աղքատ աղջկանց ամուսնութեան պիտոյից:

Կտակաւ սահմանեալ պաշտօնի նուէրներն ստանալ Գանձապետէն և ըստ կտակին վճարել:

Յօդ. 33. Եկեղեցականն՝ իւր գործողութեանց հաշիւները տոմարագրելու համար՝ մասնաւոր տոմար մը կուենայ, և ըրած վճարմունքն անոր մէջ ստորագրել կուտայ:

Յօդ. 34. Եկեղեցականը բարեպաշտ և եկեղեցասէր թաղեցիներէն՝ իրեն օժանդակ ընկերներ կընտրէ, և թաղ. խորհրդոյ հաւանութիւնն ստանալէ յետոյ կանուանէ զանոնք:

Յօդ. 35. Եկեղեցականը կընտրէ Ժամակոչներն, և թաղ. խորհրդոյ հաւա-

նութիւնն ստանալէ յետոյ՝ կանուանէ զանոնք :

Հոգաբարձու.

Յօդ. 36. Հոգաբարձուն պաշտօնն է՝ թաղին աղգ. վարժարանաց վերին տեսչութիւնն :

Իւր պարտաւորութիւնքն են՝

Կրթական օրինաց համաձայն՝ թաղային վարժարանաց բարեկարգութեանն ու յառաջագիմութեան հոգ տանիլ .

Գպրոցական պաշտօնէից և աշակերտաց պարտաւորութեանց ճշդիւ կատարմանն հսկել .

Յօդ. 37. Հոգաբարձուն կրնա՞ր չափահասից և երիտասարդաց՝ գիշերային և կիրակնօրեայ դասաւանդման հաստատել . և ընթերցարան , լսարան ու մատենադարան բանալու քաջալեր լինել .

Գպրոցական թոշակաց և հասութից անթերի հաւաքման , և սահմանեալ ծախսուց կանոնաւորապէս վճարման փոյթ տանիլ :

Յօդ. 37. Հոգաբարձուն՝ իւր գործողութեանց հաշիւները տոմարագրելու համար՝ տոմար մը կունենայ , և ըրած վճարմանքն անոր մէջ ստորագրել կուտայ :

Յօդ. 38. Հոգաբարձուն կրնա՞ր վարժարանաց դաստիարակ , ուսուցիչ և այլ պաշտօնեայնէրն , ըստ տրամադրութեան կրթական օրինաց :

Գանձապետ

Յօդ. 39. Գանձապետին պաշտօնն է՝ թաղային սնտուկին ելեւմտից մատակարարութիւնն :

Իւր պարտաւորութիւնքն են՝

Թաղային սնտուկին մուտքը դանձել և սահմանեալ ծախքերը վճարել , ըստ թաղային երմտացոյցին , և առօրին տոմարագրել .

Կալուածները վարձու տալ խորհրդով Ատենապետին , մինչև մէկ տարւոյ միջոցի համար . իսկ աւելի երկար ժամանակի համար թաղ. ժողովոյ հաւանութեանը դիմել .

Աղգ. ուղղակի տրոց հաւաքմանն հսկել և կեդր. սնտուկի բաժինն ամենամադուլիս իւր տեղն յանձնել :

Յօդ. 40. Գանձապետը կրնա՞ր հաւաքիչներ , և կեղեցւոյ պաշտօնէից մէջէն կամ դրսէն , և թաղ. խորհրդոյ հաւանութիւնն ստանալէ յետոյ՝ կանուանէ զանոնք :

ԳԼՈՒԽ Բ.

ԸՆՏՐՈՒԹԻ Ն ԹԱՂԱՅԻՆ ԺՈՂՈՎՈՑ
ՆԻ ԼՈՒԾՈՒՄՆ

Յօդ. 41. Ընտրող է՝ իւր թաղին մէջ՝ ամեն հայ ,

որ քսան և մէկ տարին լրացուցած է ,

որ կարգաւ գրել գիտէ ,

որ աղգ. ուղղակի տուրք կը վճարէ ,

որ հոգեւոր պատժոյ ներքե չէ ,

Որ դատաւարտեալ չէ յԱղղային իշխանութենէ՝ իբրեւ ընտանեացն անխնամ , իբրեւ զաւակին նախնական պարտաւորիչ կրթութեանն անփոյթ , իբրեւ անհաւատարիմ յաղղային պաշտաման , իբրեւ անսաւոտող ընդդէմ աղգ. իշխանութեան և իբրեւ անուանարկիչ աղգ. պաշտօնէից , որ զրկեալ չէ՝ կառավարական դա-

տալճուով՝ ընկերական իրաւանց վա-
յելմանէ ,
և անբաւական դատուած չէ , խելագա-
րութեան պատճառաւ :

Յօդ. 42. Ընտրելի է ամեն Հայ,
որ ընտրողութեան պայմաններն ունի ,
և երեսուն տարին լրացուցած է :

Յօդ. 43. Ընտրողական Ատեան կը
կազմեն թաղ. Խորհրդոյ անդամք և
Թաղ. Ժողովէն ընտրեալ հինգ անձինք :

Յօդ. 44. Եթէ Թաղ. Ժողով չկայ,
թաղին առաւելագոյն տուրք վճարող
և փորձառու ընտրողներէն հինգ անձինք
կը հրաւիրուին Քարողչէն՝ կամ ի բացա-
կայութեանն Աւագերիցէն՝ Թաղ. Խոր-
հրդոյ հետ Ընտրողական Ատեան կազ-
մելու :

Յօդ. 45. Ընտր. Ատեանը կը պատ-
րաստէ ընտրողաց և ընտրելեաց ցուցակ-
ները , քուէարկութեան սահմանեալ օ-
րէն ութն օր յառաջ , և կը կախէ ի
տես ժողովրդեան , ընտրութեան հրա-
ւեր կընէ . քուէարկութեան կը հսկէ , և
քուէհամարը կը կատարէ :

Յօդ. 46. Ընտրելեաց ցուցակը
որբաղրելի է , և հաւասար թուով կը
բաւէ :

Յօդ. 47. Քուէարկութիւնը կը
կատարուի անձամբ կամ ստորագրեալ
նամակաւ :

Անընդունելի է այն քուէնամակն ,
որոյ ստորագրութիւնն Ընտր. Ատենի
անդամաց անձանցից է :

Նմանապէս՝ քուէհամարի մէջ ա-
նընդունելի է այն անունն , որ որոշեալ
թուէն աւելի է , կամ անորոշ գրուած :

Յօդ. 48. Առաջին քուէարկութեամբ,
եթէ ընտրողաց մեծամասնութիւնը՝ կէ-
սէն դէթ մէկ աւելին՝ մասնակցած է ա-
նոր , ընտրեալ է այն՝ որ ստացած է
բացարձակ առաւելութիւն , այսինքն
քուէարկուաց թուոյն կէսէն աւելի քուէ-

Եթէ ընտրողաց մեծամասնութիւնն
առաջին քուէարկութեան մասնակցած
չըլլայ , կամ ընտրելոց թիւն առաջին
քուէարկութեամբ չամբողջանայ , Ընտ-
րողական Ատեանը՝ առաւելագոյն քուէ
ստացողներէն երկպատիկ ցուցակ մը կը
պատրաստէ , և կը կին անգամ կը հրաւի-
րէ զընտրողս զեղջել զայն կիսուակէս ,
երկրորդ քուէարկութեամբ :

Սոյն երկրորդ քուէարկութեան մէջ՝
ընտրողաց մեծամասնութիւն չլինաւուիր,
և համեմատական առաւելութիւն ստա-
ցողը ընտրեալ են .

Հաւասար քուէ ստացողաց երկու-
գոյնն ընտրեալ է :

Յօդ. 49. Քարողիչը կը հրաւիրէ
զընտրեալս , որք կը կազմեն զԹաղային
Ժողովն :

Յօդ. 50. Նորընտիր Թաղ. Ժողովն՝
առժամեայ Դիւան մը կարգելով՝ կը
քննէ ընտրութեան տեղեկագիրն , և ա-
նոր օրինաւորութիւնն ստուգելէ յետոյ՝
կը յանձնարարէ Քարողչին մատուցանել
զայն իւր կեդրոնին վարչութեան , և
ծանուցանել նմա Թաղ. Ժողովոյ կազմու-
թիւնն :

Վարչութիւնը կը հաստատէ կոնդա-
կաւ զնորընտիր Թաղ. Ժողովն , մինչև մէկ
ամիս : Սոյն պայմանաժամէն յետոյ՝ կեդ-
րոնին լուութիւնը վաւերացում կը հա-
մարուի :

Յօդ. 51. Առ ընտր. Ատեան բողոք կամ խնդիր կընդունուի, ընտրողաց և ընտրելեաց ցուցակներուն վրայ, քուէ-արկութեան որոշեալ ժամէն մինչև քսան և չորս ժամ յառաջ:

Ընտրութեան վրայ բողոք կընդունուի, հաստատութեան պայմանաժամէն մինչև ութն օր յառաջ:

Քուէարկութեան չմասնակցող ընտրողք բողոքելու իրաւունք չունին:

Քուէթուղթք կնքոյ ներքեւ կը պահուին, մինչև հաստատութեան պայմանաժամն:

Յօդ. 52. Երբ Թաղ. Ժողովոյ անդամոց քաւորդը պակսի, պակսողներուն տեղ նոր ընտրութիւն կը կատարուի, ըստ առաջնոյն:

Յօդ. 53. Թաղ. Ժողովոյ պաշտօնը չորս տարի կը տևէ, և անդամք վերընտրելի են:

Չորս տարին միանգամ՝ սահմանադրական տարեդիսէն երեք ամիս յառաջ՝ նոր ընտրութիւնք կը կատարուին և կը հաստատուին. և ի լրանալ տարեդիսին՝ նախկին Թաղ. Ժողովը կը լուծուի, և նորընտիրն անմիջապէս անոր կը յաջորդէ:

Եթէ նորընտիր Ժողովոյ կազմութիւնն որ և է պատճառաւ՝ յապաղի, նախկինն կը շարունակէ իւր պաշտօնն:

Յօդ. 54. Թաղ. Ժողովը լուծման վիճակի կենթարկէ ինքզինքն, երբ սահմանադրական տարեդիսին չմատուցանէ իւր համարատուութիւնն, ըստ յօդուածոյ:

Յօդ. 55. Վարչութիւնն՝ յետ ևր-

կուց ազդարարութեանց՝ կը լուծէ զԹաղ. Ժողովը:

Ա. Երբ սա Հայաստանեայց Եկեղեցւոյ դաւանութեան և աւանդութեան հակառակ վարմունք ունենայ:

Բ. Երբ ազգ. օրինաց և վարչական տնօրէնութեանց ու հրահանգաց անսաստէ:

Գ. Երբ վերոյիշեալ յանցանաց մէջ գտնուող Թաղ. Խորհուրդը չլուծէ:

Դ. Երբ Թաղ. Ժողովը ընտրողաց վստահութիւնը կորուսած լինելու ծանր կասկածանայ ենթարկի, և վարչութիւնը՝ նոր ընտրութեամբ՝ զայն պարզելու փորձին պէտք տեսնէ:

Յօդ. 56. Վարչութիւնը՝ Թաղ. Ժողովոյ լուծման հրամանին հետ՝ նոր ընտրութեան հրահանգ կուտայ միանգամայն:

Յօդ. 57. Երբ անմիջապէս նոր ընտրութիւն կատարել անկարելի լինի, Վարչութիւնը տասներկու անգամէ Թաղ. Ժողով մը կը կարգէ, վեց ամսուան համար:

ՄԱՍՆԱԻՈՐ ՏՐԱՄԱԴՐՈՒԹԻՒՆՔ

Ա. Ընտրողութեան պայմաններէն կտրուալ դրելու պայմանը՝ գաւառացւոյ համար՝ պարտաւորիչ չէ առ այժմ, մինչև ցնոր տնօրէնութիւն:

Բ. Ինչպէս և Պօլսոյ թաղերը կեդրոնական Վարչութեան, նոյնպէս գաւառաց թաղերն կամ գիւղերն իրենց Գաւառական Վարչութեանց հետ յարաբերութիւն ունին, և անոնց կը մատու-

ցաննն իրենց համարատուութեան տե-
ղեկագրերն . զորս Գաւառական վար-
չութիւնք պարտին՝ նոյնութեամբ կամ
ամփոփմամբ՝ ներկայել առ իւրեանց
Գաւառական ժողովն և առ Կեդրոնա-
կան վարչութիւն :

Գ. Առաջնորդանիստ քաղաքաց մէջ
Գաւառական ժողովն թաղ . ժողովոյ
պաշտօնն ալ կրնայ վարել , ինչպէս և
Գաւառական վարչութիւնն՝ թաղ , խոր-
հըրդոյ պաշտօնը :

22 Յունիս 1881

Ատենայետ Ձեռնաստրեան Դիւանի
ՅՈՎՀ. ՔԱՀԱՆԱՅ ՄԿՐԵԱՆ

Ատենայետ Կալուածոց Դիւանի
Ք. ՂԱԶԱՐՈՍԵԱՆ

Ատենայետ Համարակալութեան Դիւանի
Ս. Պ. Պ. ՓԱՓԱԶԵԱՆ

Ատենայետ Յարաբերութեան Դիւանի
Մ. ՉՈՊԱՆԵԱՆ

Ի դիմաց Իրաւաստրեան Դիւանի
Տ. Մ. ԷՔՍԷՐՃԵԱՆ

Ատենայետ Նախաձեռնութեան Դիւանի
Յ. ՂԱԶԱՐ Ս. ՀՈՎՈՒԵԱՆ

Ատենայետ Խմբագրութեան Դիւանի
Կ. Ս. ԻԻԹԻԻՃԵԱՆ



28323-62

spec 54.



